

明
詩
紀
事

明詩紀事

貴陽陳 田輯

辛鑑

黃學謙 五首

學謙字又謙一字天益善化人天啟辛酉副榜除樂

昌教諭遷興平知縣有紫巖集照杯亭遺草

沅湘耆舊集又謙晚遭世亂出入山谷榛莽間棲竄無定所遺草凡八卷其曰登甲餘言焚餘草大抵多亂離中作冲和平澹絕少噍殺之音兼精書法晚病痺右手廢以左手作小楷行草更遒逸有致

酌別昌江諸子

瓠落吾何用蹉跎付積薪獨憐萍梗聚五見荔支新山水娛遊子文章愧古人清貧無不可黑髮白綸巾

清遠峽

鳥道枕長河，藍輿渡薜蘿。
野蜂巢廢堞，饑雀啄枯禾。
村市炊煙少，山城瘴雨多。
青楓丹欲盡，客鬢近如何？

別林工宰

日落大湖濱，扁舟一問津。
山川舊遊地，風雨獨行人。
枹鼓村墟急，徵求澤國貧。
荒年兼薄俗，白髮尙謀身。

別沈茂陵南還入都有約重遊

邱壑吾將老，肝腸君可憐。
書籤聊假日，藥裹動經年。
世路艱虞裏，交情涕淚邊。
長途春草綠，臨別卻悽然。

秋思

南國微霜冷，菱荷洞庭木。
落水生波湘，靈月下怨瑤。
楚山鬼

風前衣女蘿青鳥飛飛空碧海黃姑眇眇隔銀河流雲一夕
生涼翠欲採蘋花奈晚何

吳馴一首

馴字  新會人天啟辛酉舉人

村居

園林綠水簇琅玕夜色蕭蕭滿石闌睡足暑銷楠癭几髮疏
涼到竹皮冠短筇長鋤閒生計老菊衰蘭舊歲寒日日雞豚
賽村社酒杯常得小團圓

一作張萱詩

文震孟一首

震孟字文起長州人待詔徵明曾孫天啟壬戌第一
人及第授修撰以言事貶秩調外斥爲民崇禎初起

侍讀歷中允諭德庶子少詹事擢禮部侍郎兼東閣

大學士參預政務尋落職閒住卒詔復故官贈禮部

尙書福王時追謚文肅有藥圃詩藁

徐枋居易堂集文公每侍講烈皇嘗目迎而送之講筵多忌諱置春秋弗講時上命輔臣選春秋專經者進講首輔溫體仁故以春秋起家而講臣中則公以春秋名天下烏程忤幾見阨久之始進講至宰嚭闕贈因禮當缺上命補賸公乃言頃以六卿之長而廢法亂紀自王朝始焉用彼相烏程銜之既入相以公爭言官許譽卿不當削即露章入告詆公爲指斥以次輒何公吾駟持正不傳遂并斥之柄鑿一言非罷兩相卽擅政如分宜江陵未之有也
萊林雜俎經筵對御案設几列講章其上講官易爲口直講從御案傍數人錄置御前往往時講官第闕本呈開臣閱定中書舍人錄置御前往往時講官第闕本義未規數語不繁引也崇禎時好行時事輒千百言如豫章禮部右侍郎羅喻義講尙書市昭聖武乞引國朝三大誓志烏程屢刪之不受忤去錢遷巷曰講官致規不過臨末今累牘連章烏程坐是與詞林不

協子所見講官文湛持倪鴻寶學問該洽聲容閑雅
真其選也姚孟嘗次之姜箴勝有儀度其學不逮姜
燕及氣粗許石門語冗

題漱松堂

禪關窈窕鎖煙霞時有松風漱齒牙翠蓋亭亭懸物外清陰
密密蔭溪涯驚聲入戶偏隨枕香粉沾衣是雨花茂苑於今
成鹿苑何妨竟日演三車

田家

土牆茅屋幽棲修竹疏花滿隄彭澤人來送酒山陰客過留
題

陳仁錫一首

仁錫字明卿長洲人天啟壬戌第二人及第授編修

以忤魏忠賢削籍歸崇禎改元復故官歷中允諭德
拜南國子祭酒福王時贈詹事諡文莊有無夢園集

四十卷

百城煙水無夢園陳太史芝臺別墅其自署齋聯云
流水之間心自得浮雲以外夢俱無中有息浪見龍
峰諸勝
靜志居詩話吳中甲第之盛前數嘉靖壬戌申文定
王文肅同郡人後則天啟壬戌文肅陳文莊同縣
人丙公皆老於公車晚始登第文莊以不肯撰魏瑞
鐵券文落職可謂不負科名

贈袁重其

孝哉袁子弱冠形癯室既如罄甕亦無儲以硯作田以管作
鋤初種暮割一米一珠背負手炊時慰倚閭歲寒相遇雪滿
吾廬豈惜呵凍喜爲爾書

蔣德璟二首

德璟字若柳一字八公晉江人天啟壬戌進士選庶

吉士授編修歷侍講諭德庶子少詹拜禮部侍郎進

本部尙書兼東閣大學士參預機務加太子少保甲

申三月忤帝意辭朝移寓外城亡去福王時召入閣

因辭唐王立再召以足疾辭歸病卒有敬日草二卷

章補集僕始創爲詩篇法大則十餘小則數首以錯

綜事物酌於情理今古之間其流連風月泛濫鵷絲

者概不得與惟吾鄉蔣八公獨信其說此道關才關

識才識又生於學而嚴滄浪以爲詩有別才非關學

也此真替說以欺誑天下後生歸於白戰打油釘錢

而已八公云必欲登峰造顛削皮抉髓則人不數章

章不數句安得盡如孫民大東而後得其正變乎僕

亦深以爲然東南嶠外詩話公於國計最精凡九邊十六鎮兵食

之數及屯鹽民運漕糧馬價無不了然於胸吾鄉先

哲自馬恭敏外未見其匹而朱竹垞但稱其典禮治
歷條奏詳明此與周延儒薦公文章華瞻何異亦淺
之乎知公者矣
十五國風高言集董蒼水曰爲詩者雕繪不難而難
於自然自然之中雋味出焉此先生之詩乎

舟過海珠

初日浮波似鏡中捲簾樹色繞珠宮
仙人鮑葛知何在應在
葛蒲碧澗東

雷州上元竹枝詞

花期常似春三月海錯未輸值一錢
十斛檳榔田萬頃徑來
陸地作神仙

郭都賢一首

都賢字天門益陽人天啟壬戌進士除行人遷吏部

主事歷員外郎中出爲四川參議遷江西副使以右
僉都御史巡撫江西福王時拜南京操江桂王立以
兵部尙書召俱不赴入國朝削髮爲僧號頑石又號
些庵以詩累死江陵承天寺有衡嶽集止庵集湘恨
秋聲吟等集

陶汝鼐稱玉堂集些公以故老流離瞻漢宗社所作
詩文居然得九歌之遺
沅湘耆舊集先生負經世才思匡屯難及遭時多故
知事不可爲銷聲晦迹至於祝髮空門流離轉徙客
死荒寺故國之戚一飯不忘遠則刻憶翁謫泉羽近
則藁庵青原晦山大錯諸公心事一轍先生詩雄篇
鉅章往往凌厲一世矢口成音問乏蕙藉倪文正公
所云愛他風骨耐他粗良非虛語

錦湖早發

曉月樹猶白放舟身與輕日長添午夢蘆暗東江聲雲影天

在水郵餞浪是程錦湖深幾許得似送余情

文安之 一首

安之字汝止夷陵人天啟壬戌進士改庶吉士授檢討遷南司業就遷祭酒削籍歸福王時起詹事唐王立召拜禮部尙書皆不赴桂王立拜東閣大學士加太子太保兼吏兵二部尙書總督川湖諸處軍務爲孫可望所阨桂王入緬甸鬱鬱而卒有鐵菴集

山居漫興

斜陽倒影上莓苔鳥鳥相呼客未來怪石但遶閒處有好花
剛揀勝時開闢山曉角猶悲壯羣洛名城半草萊欲寄牢騷
愁鹵莽暗中搗鼓作輕雷

馮元颺 一首

元颺字爾敬慈溪人天啟壬戌進士除澄海知縣改揭揚擢戶科給事中歷禮科刑科遷太常少卿歷南太僕卿通政使召拜兵部侍郎進尙書

首善書院感舊作

維貞皇帝神授符詔出明光徵大儒有臣元標首應詔誰竝進者臣從吾一時諸儒相繼入王道蕩蕩民所趨貞皇雖逝嗣皇少譬之日出時未晡諸儒謂可睹上治力崇正學開榛蕪請爲天子建書院揭以首善天之衢漢唐宋代何足數升堂入室泗與洙當使亂臣賊子懼如陸有軌水有桴豈無厓鼎相錯列能由是路亦吾徒越歲壬戌策進士臣颺蒙與諸

臣俱二十爲學志方壯晨起盥漱遵修塗少焉諸儒次第入
鳴鐘擊鼓聲鐸于衣冠肅對寂未語森若披古賢聖徒儒者
甯盡闢世務憂天往往多訐謨乃知名教自足樂照耀萬古
焉可誣彼譖人者亦太甚曰宋之敗由程朱封疆在今多事
日喪衣博帶何其迂輔臣向高爲此懼手自伏疏陳青蒲誰
爲此言告陛下當付之吏法當誅天子寬仁置勿問恐見白
日舞妖狐嗚呼諸儒死不恨宣尼栗主誠何辜乙丙之際不
可說故老欲哭徒嗟吁丁卯八月聖人出譏者慄慄憂頭顱
臣颺再入問書院門外細草翔唳烏聖人豈不重經術時危
未暇陳蒼珣竊見京師富梵室口誦以唄拜以膜亦有高閑
祀天主譚兵治厯喧齟齬獨使書院屏勿事臣颺敢復惜微

軀卿雲縵縵天子都諸儒靈爽應未徂大道經天終有孚幸

甚爲念臣區區此詩從詩綜改本

劉侗帝京景物略都門講學始自善書院起天啟二年十一月間月二十至天啟四年六月罷講罷逐主講者都察院都御史吉水鄒先生元標副都御史三原馮先生從吾兩先生萬歷初各以建言予杖去里居講學四十年泰昌初徵入京尋總副臺憲公暇輒會講城隍廟百子堂自紳衿氓隸聽者數百人始議建書院宜武門內城下御史周公宗建董之講堂三楹後堂三楹供先聖陳經史典律院碑一大學士葉公向高文禮部尙書董公其昌書也講未幾崔魏盛黨禍深御史倪文煥等詆爲僞學斥逐請碎其碑有疏曰聚不三不四之人說不痛不癢之話作不深不淺之揖噉不令不熱之餅乃碎碑暴其石於門外毀先聖主焚棄經史典律於堂中院且折矣會今上改元倪等伏法院遂以存後禮部尙書徐公光啟率西洋人湯如望等借院修厯署曰厯局靜志居詩話徐宮保光啟借院修厯久之西洋人踞其中更爲天主堂至今不改馮公是詩毋忝詩史

蕭士瑋 五首

士瑋字伯玉吉安泰和人天啟壬戌進士除行人謫
光祿典簿遷南大理評事就遷禮部主事改吏部歷
員外郎中福王時遷光祿少卿拜太常卿移疾歸有
春浮園集

有學集伯玉詩體氣清拔取法涪州今體偶然與放
翁合

李元鼎石園集伯玉惜墨如金未嘗輒下一字以故
著述精而不博
田按伯玉論詩取律細格老故不輕落筆力矯王李
之弊時入尖新與公安同趣其獨到之處瘦削清冷
儼然宋人佳境

贈蘊公

亦習昆尼戒偏饒物外情攢眉入白社沽酒破愁城疏柳低

殘月流螢照定僧焚香深夜坐靜對長靈明

初夏幽居

爲愛松風偶結廬日長山靜閉門初柳眠水滿低過舫梅潤
天陰浸及書竹聘夫人沾體滑葛裁野老稱身如雨餘土溽
肥新甲荷鍾相隨小摘蔬

園居二首

偶然謫墮向人間博得清閒任福懣輒飽經行時宴坐醉餘
睡起一登山壯心無賴隨年減幽事相關到老頑茆屋數椽
深竹裏湖光澹石樹灣環

南湖遙與北菴連纔下簾輿便上船得計學閒先學懶無才
爲鬼可爲仙因精茗事泉能細誤蒨鄰樊山放全歸晚斷橋

蓬野衲清言共爾亦妨禪

蕭齋讀楞伽

翳然水木湛清華
高寄蕭條處士家
課罷楞伽無個事
閒窗小立嗅梅花

金磬元一首

肇元字木公一字司杓東陽人天啟壬戌進士除徽州推官入爲工部主事改兵部遷員外郎出爲江西參議進副使遷福建參政有陽春館集

遊水竹鳴

秋光出郭好此地有叢林
陟岫雲生足穿松翠染襟
茅籠天竺佛梵唄海潮音
蒼靄知留客氤氲谷口深

倪嘉慶 一首

嘉慶字篤之江甯人天啟壬戌進士除戶部主事遷員外以事繫獄放歸起吏部員外遷戶科給事中甲申後爲僧名函潛又名大然字笑峰有靈潭集

靜志居詩話倪公治賦之才崇禎戊辰在樞部上言國計入不敷出歲額缺至二百三十餘萬何以支持其言瞭若指掌假令思陵此時聽公之言綢繆區畫則後此雖有水旱盜賊尙可緩於危亡而情乎不見納也旣而兵科給事中劉徽疏請裁驛遞有旨裁十之三省郵傳銀六十萬公獨昌言曰驛遞之設貧民不能自食者賴之裁之太過將鋌而走險此盜生之源也俄而李自成果以驛卒被裁走入高迎祥隊中後遂以亡明朝野咸服公慮之遠云

遠客

淒風吹遠客極目盡蕭森山閣含秋氣江城起暮陰天晴空

翠隱日薄瘦寒侵漫把他時淚孤舟繫此心

黃宗昌 二首

宗昌字長倩卽墨人天啟壬戌進士除雄縣知縣改清苑徵授山西道御史有恒山游草於斯堂集

全楚臣憩寒汀館中見鍛羽雁賦詩傷之

雲中自可羨離下亦無妨物化齊溟滓鱗潛等羽翔
六翮刷羽凌八荒所以蜩與鷺欣然搶榆枋

故園

新葺茅齋木板扉尋常高卧到斜暉
遙憐舊植青桐樹久貯清陰待我歸

喬可聘 一首

可聘字君微一字聖任寶應人天啟壬戌進士除中書舍人遷河南道御史有醉陶齋詩

生日

病骨殘生付冷煙掩扉蕭寂子雲玄山中日月無心記開到黃花又一年

何萬化一首

萬化字宗元上海人天啟壬戌進士授南兵部主事歷員外郎中改禮部出爲福建副使進參政擢廣東按察使不赴

靜志居詩話宗元仕閩爲制府畫策平劉香入楚同諸君協力擒張普薇是亦開濟之才不徒以雕篆見長者

遊玉華洞

奇物有萬族誰羅一穴中造化作兒戲巨靈殫鬼工赤松厭
雕刻白鶴返洪濛千載此人去寥寥洞府空

梁元柱

一首

元柱字仲玉廣州順德人天啟壬戌進士選庶吉士
改陝西道御史以劾魏忠賢削職崇禎初起福建道
御史以憂歸起陝西參議未上卒有偶然堂集

送人從軍榆關

少年負俠骨悲歌志不平偶探黃石卷欲赴白登城錦瑟城
頭醉雕戈馬上橫功成報天子當作魯書生

姚孫渠

一首

孫渠字心甫桐城人天啟壬戌進士除龍遊知縣改
晉江擢江西道御史謫上林典簿遷吏部主事歷員
外郎中出爲福建

改向寶卿有石嶺集

車中漫紀

稍覺霜威解郊原靜不風平蕪嘶倦馬古戍掠征鴻帆影寒
流外人煙落照中徐滕雖異壤艱食恐相同

齊心孝一首

心孝字君求桐城人天啟壬戌進士選庶吉士授編
修

宿益堂

閒邀明月過仙家網戶沈沈暗碧紗去日濃陰暉不改可憐

新發斷腸花

王鳴玉 一首

鳴玉字六瑞竟陵人天啟壬戌進士歷給事中出爲
陝西參政有環草

韋公寺

左安門外繞長汀畏友頻邀過水亭一片塵蓋溪面照十分
酒入客脾醒荷含秋意多相向蟬作鄉音乍可聽花落燈殘
鐘定後今宵旅夢各惺惺

秦垞 五首

垞字器新無錫人天啟壬戌進士除澤州知州改福
甯擢戶部員外有靜遠堂集

栖隱園十景 錄五

溪上架層樓登樓遊盡裏陰晴朝暮閒與山俱卧起 溪山樓

曲山疏籬轉寒林別有春孤吟時索笑不見詠花人 香雪林

日日對青山青山看不足東風何處來又皺平疇綠 青未了

名取酈生注山川若綺分登臺欲有望青山多白雲 綺望臺

繞廬碧一灣濯纓者誰子望望青山近桃花自流水 謝碧廬

黃景昉 五首

景昉字太穉晉江人天啟乙丑進士改庶吉士授編

修歷中允諭德庶子少詹進詹事擢禮部尙書兼東

閣大學士參預機務加太子少保改戶部尙書進文

淵閣大學士引歸唐王時起原官復告歸國變後家

居十餘年卒有臨安館集三十卷

國史唯疑文皇求張三半愈切而張愈固自匿學道
宜秉宿根秦皇漢武空裏裳濡足况別有所假借求
之乎卽復參嶺輝煌何足動神仙一盼子嘗過之詩
云金碧酬初願龍池動殺機當年方外客也護首陽
薇顏自淡中

十五國風高言集田希淵曰東厓先生詩取境不一
軌選材不一家曾讀其戊子六月五日紀事詩後之
尙論者并可以原先生之心事矣

靜志居詩話相君務去陳言專尙新警其近體尤雕
繪如侍楚王宴云隆準衣冠高帝後夥顧宮闕大江

濱登太和絕頂云天野星躔包兩戒國朝嶽瀆視三
公南臺燕集云仙家閬苑疏璃浦禹貢揚州篠簜田

賄友云少從魯國稱男子家近茅山得異人壽樊叟
云公餘穉子燒松液酒半材官舞熊竿集北郭草堂

云誰邀玉佩神仙客自唱清歌喜隣蠻答友云枚叔
賦遊梁上苑伏生書重漢西京寄友云以吾一日長

乎爾如此三星粲者何要不作沿襲語

龍性堂詩話東厓先生當草代時有感限韻詩八十

二首中如有淚銅人甘戀漢無情玉馬苦朝周朝尊
醉益看花感絃管婁增落葉哀元亮詩成題甲子伯

仁宴罷泣山河春去尙憐望帝魄信來誰答子卿書
雁橫塞北昭君恨花發江南庾信哀嘯鳥也知亡國
恨汗牛空信古人書達官虛負白馬恨狂客實含朱
鳥哀枯魚此日將書至旅雁何年繫帛回哀聲險韻
不堪多讀

和敬堂集追維辛巳壬午時沸如蜩蟬天子疑於上
黨與成乎下溫陵二相同日入政府當遇巷之時正
人獲罪如石齋公禍幾難測東厓先生經筵申救必
鑿而後已於是自安不旋踵謝歸所留連往復於
本朝之故一切寄意於單詞寸牘中名曰國史唯疑
其文約其旨該顧甚惜不以示人獨留其副於高雲
客氏雲客公之高足弟子也滄桑之後雲客以授林
同人吉人兄弟同人又授鄭公允幾亭及予於是三
山始有鈔本凡四家先是公林居余小子曾趨侍臨
安館累晨夕貽詩有聲名轉大憂方始文網多繁夢
未安之語蓋猶有疊山對客之恨焉韜光以來更歷
二十餘載山川如故夢若隔塵手捧遺編撫膺酒涕
榕城詩話晉江黃太稗景昉天啟進士後登槐鼎著
有甌安館詩及鹿鳩詠其自序云徒以身叨禁從出
言有章意欲斟酌情文謬附於昔人和合朝野之誼
此言可以爲館閣言詩之法

田按太稗博通當代掌故所著國史唯疑特論具有

條理安立如此可謂得人乃不久而罷思陵之不足
與有爲可知矣歐安館詩取法晚唐輕俊鮮妍於閨
人成派別開生面

題李孝伯花隱別業

巷避車窮處誰期宛委通入門驚竹翠隨地見花紅白璧那
關使青樽綺里翁酒行觴政肅知未損家風

立秋日同傅子初王何稱林爲盤郭閻生穿蓮東湖分
得蓮字

曲水旁城好放顛荷香十里葉田田爲驚鳥夢停歌扇故拂
花鬢落酒船詩思清如秋乍起湖光雅與客相憐紅裙白紵
尋常唱我愛峯頭玉井蓮

武林宿昭慶寺

宋家宮殿佛爲壇
廊下波斯十字欄
蒨幕青絲邀客醉
重砌白絳映人寒
暑逢再閩涼非遠歸
及中途夢未安
仍被信來催
轡發許多幽壑不曾看

同李曉湘給諫過郭仲常吉士宅分賦

閩山渤海未殊鄉
密坐深杯況夜長
莫怪市聲催簞策
同將風景憶檳榔
吹笙綵嶺神仙相
烙馬黃門羽獵裝
君自投驍稱絕技滑稽誰更似東方

邢州詢李于鱗先生遺蹟

先朝西署盛風流
白雪縱橫不待秋
三輔年年驅五馬
只今人說李邢州

何楷一首

楷字元子漳州鎮海衛人天啟乙丑進士崇禎初授
戶部主事應員外改刑科給事中屢遷工科都給事
中以劾楊嗣昌忤旨左遷南國子監丞福王時擢戶
部侍郎唐王立進戶部尙書

田按元子立朝嶽嶽懷方尤邃於經學惜詩不多見

吳門與諸子夜集賦呈辟疆社兄

乘槎渾未倦載酒喜相過立探圖前易情生別後歌雨聲侵
棹冷香燼拂杯多積想聊堪豁分襟復奈何

孫晉一首

晉字明卿桐城人天啟乙丑進士除將樂知縣擢給
事中歷大理卿以■總督宣大有黃山遊草

再宿南陽

二月水漫漫無端春色闌深杯嫌夜短久客怯衣單未見干
戈滿誰知道路難憂時多少淚不敢向人彈

熊開元一首

開元字立年嘉魚人天啟乙丑進士除崇明知縣改
吳江徵授吏科給事中貶二秩調外起山西按察司
照磨歷光祿監事遷行人司副以言事廷杖削籍遣
戍福王時起吏科給事中不赴唐王立起工科給事
中擢太常卿左僉都御史隨征東閣大學士汀州破
棄家爲僧名正志字璧菴有華山紀勝集

靜志居詩話魚山欲劾宜興適思陵許奏事於弘政
門召對及入見宜興侍側因言軍事而出旣而召見

德政殿輔臣亦入乃言曰易傳有云君不密則失臣
臣不密則失身臣所云願輔臣暫退思陵諭曰輔臣
管密勿泄開元前所奏卿等皆與聞可以不退是日
不敢盡言思陵怒且疏入仍有茶果餅餌之賜迨疏
入遂被收思陵怒且不測矣會姜公如農疏有皇上
何所見而云然乎等語怒益甚兩公受杖之苦用刑
之慘其不死者幸也爰書既上思陵一曰譏諂輔弼
再曰讒譖陰狡三曰謗毀狡肆人皆疑思陵曲護宜
與獨尹樞部宣子謂思陵時已患宜興命魚山具疏
者度必列款欲據之便按問及見疏乃曰如此不痛
不癢思兩邊倣好人邪蓋實怒其不力參而反以誹
謗大臣爲罪非思陵本意也斯言得之

吳門與金正希夜哭

碧血何曾灑丹心不可斫誰人呼馬角與子泣龍髯半壁留

吳越羣奸布網籍吾將披髮去長向海山潛

陸澄原一首

澄原字嗣端平湖人天啟乙丑進士除工部主事遷

員外謫順天照磨歷大理寺副遷兵部員外被察開

住有芝房集

構李詩繫嗣端爲詩秀逸尖新雕香刻翠有佻宕自
喜之致

寄王修微

女兒溪淺亦生紋巾子峰低也出雲水定山空何處所合歡
花底拜茅君

郭紹儀 一首

紹儀字汾仲一字丹葵平湖人天啟乙丑進士除當
塗知縣擢南湖廣道御史有青蒲草

擬郭弘農遊仙詩

弱齡寡塵累燕想出殊廷手翦碧桐葉好寫鳥跡經束髮理

冠劍歎息勞我形每思凌晨風駕彼朱鶴翎玉如名婉羅翳
翠列雲屏贈我刻竹杖飲我瓊綠醪養生不愛道毋乃非仙
題

陸錫明 一首

錫明字幼興平湖人天啟乙丑進士除工部主事遷
員外出爲常州知府改徽州遷江西副使

郡齋坐雪

招飲今堪詠吾將問澤蘭美人不知處蕭瑟耐春寒風杆春
雲腳花蕊碾月圓翻疑山郡裏偃卧似袁安

劉在朝 六首

在朝字廣乘監利人天啟乙丑進士除福清知縣徵

授戶部主事歷員外郎中出爲易州兵備副使有蘭

心堂喚蛭齋等集

田接廣乘詩取意幽婉雖爲鍾譚所染亦彼法之鍾
鍾者

聞雞有懷

鐘澀知霜滿雞頻省曙分人天開夜旦佛業現聲聞落葉埽
殘夢寒衾思早曉不知湖上覺猶戀幾峯雲

客去

客去自成睡村幽天屢陰湖風吹夢闊茅屋受秋深裝薄居
頻換衣單寒轉侵故人在天末槭槭想遙音

村居風雪畏齋先生老病遠顧留宿祇園賦贈

茆屋雨聲近中宵風更號愁君同瘦鶴無友贈綈袍梵唄了

今夕瘖聾薄雅騷蕭然禪榻畔塵夢付霜毫

花朝日有感

花事負朝旭那因典舊衫柳風春不度浦霧午猶啣久客慚
歸鳥閒行數去帆無家栖燕子沙際語呢喃

甲申除日

詎忍言除日君親諱所臨色開鍾阜迴淚灑鼎湖深一壑謀
听夕三朝愧履簪祝年同野老敢後草臣心

秋泛

蓼花兩岸映波紅短葦輕橈夕照中不信綠楊憔悴畔更無
顏色領春風

讀文煥一首

文煥字維章一字坤五永福人天啟乙丑進士除海陽知縣改番禺山陽召試擢編修以事下獄釋歸有

赭留集

福建通志黃道周以論楊嗣昌陳新甲得罪逮問詞連文煥遂同下詔獄獄中箋法楚詞聽直入卷陶詩析義二卷既釋獄乞身歸里別道周詩云自聞鉤黨獨行憂痛哭批麟淚未休欲格君心甘濺血不教漢祚付清流雷震怒盡天回笑生死移時我掉頭今日全軀同去國莫將尉倣倣林邱

和俞邵弟白秋海棠

癖畏陽驕暑氣侵尋常棲止擇多陰近來別有迴天力占得

飛霜早滿襟

李模一首

模字子木太倉州人天啟乙丑進士除東莞知縣徵

授御史以忤閣諫南國子典籍福王時起御史有碧

幢集

百城煙水密菴舊築在閭門後板廠為李侍御灌溪宅後圃內有桃鳴草堂及芥閣諸勝徐枋居易堂集昔宋室既亡故相家鉉翁隱居教授不涉世事十有九年而逝史稱為宋遺臣前侍御李灌溪先生遭世變潛節固守確乎不拔自鼎革時年未五十乃自五十而六十七十八十守益固節益高三十餘年如一日皤然不滓聿稱完人史冊所希有也

初埽密菴舊築

昔日深深意今依幻住身蓬蒿迷若醒竹柏故猶新小得蜘蛛隱居惟鐘磬鄰埽苔迎古佛竺國備遺民

賀鼎 二首

鼎字公調丹陽人天啟乙丑進士除尉氏知縣改永

城武康入爲兵部郎中累遷山西參政

讀孟東野集

寒香嚼彌出標格何清孤冰雪空山裏吟魂或可呼

塞上曲

河冰初泮春風多沙深水急流成渦中有老冰不可觸行人
相喚無渡河

區懷瑞二首

懷瑞字啟圖高明人太僕丞大相子天啟丁卯舉人
除當陽知縣改平山有趨庭游燕游滁諸草

廣東新語區太史海目有子啟圖論詩云國朝之詞
章自北地以還歷下繩之盛於嘉隆而卽衰於嘉隆
其病在誇大而不本之性情率意獨創而不師古啟
圖能承家學與李煙客羅季作歐子建鄒湛若四五

公者唱和其雄才絕力皆兢兢先正典型弗敢隕越
絕不爲新聲野體

初至玉陽

踐玉作名城乃介荆郢間西稱湯沐邑北列价人藩
蠶叢復東路設險抗雲關宰牧苦郵傳束帶無時閒
展起理訟牒日旰不得還臞瘁道固然甯有冰雪顏
撫茲鋒鏑餘徒思物力殫頽垣隱草莽暴骨如邱山
何事豺虎嘯四郊行且艱

雨後待寇信

吸屹孤城夜淒迷風雨心輕師偵未返重地寇能深
遠火多颺舉高甯遂陸沈吹笳知未散橫槊愧長吟

黃光一首

光字若木諱田人天啟丁卯舉人官來安知縣有十

一洲詩草

蘭陔詩話若木工駢體文奇篇麗句枕藉齊梁

溫陵旅宿

寒夜一何長鳴雞催不曙秣馬促晨炊暗逐霜光去

明詩紀事

貴陽陳田輯

辛籤

呂大器

四首

大器字儼若遂甯人崇禎戊辰進士除行人擢吏部
主事假歸以守城功增秩一等出爲關南道參議遷
固原副使擢右僉都御史巡撫甘肅拜兵部添注侍
郎兼右僉都御史總督保定山東河北軍務改江西
湖廣應天安慶總督再改南兵部侍郎福王時遷吏
部侍郎以事削籍唐王立召拜兵部尙書兼東閣大
學士桂王立以原官兼兵部事進少傅督江南諸軍

贈太保諡文肅有東川詩集塞上草

黎士宏仁恕堂筆記閣部呂公大器丙戌隆武稱號
福州公亦入閣見時事不可為遂辭去至臨汀子得
見之每一談時事與淚俱其贈予詩有細雨霏霏
已淡句豈疑天日久沈淪又曰會看君文成風彩漫
云我技已龍馴感慨之旨可見時有以口舌得官者
舊屬公薦拔卽貴顯十及門終不一見行李半肩扁
舟東下子送之河干執手太息曰異日相逢想是麻
衣草履矣揮淚哽咽不能出聲風規舉止真大臣也
靜志居詩話呂公驅馳南北盡瘁行間五言如野寺
依巖立官衙傍水閒孤燈寒殿壁落日映山城精衛
悲銜石鷓鴣嘯滿山雲煙春向在烽火畫相連淚盡
銅駝棘歌殘玉樹花豈無丹闕戀終抱白雲思忠孝
之誠溢於言表
詩觀初集東川詩思精而語麗
李調元蜀雅文肅詩音旨淒壯逼似少陵

泊略陽下灘

祇爭一帶水尙枕小溪眠漁火穿江出村烽帶月傳孤城還

屹爾白叟半蕭然回憶垂陰處森森俯大川

蘧江

孤身行萬里驛路怯星輶樹密煙村小沙平水岸遙野狐衝
馬立山鬼向人驕漸喜南州地猶看聚晚潮

雪山

光搖旆旆五涼平天外羣峰玉削成瀚海欲空青見月燕支
未染白如瓊飛鴻已度長城窟勒馬還歌出塞行朱夏重裘
猶不解崕峒倚劍自崢嶸

靖邊作

鳴沙萬里憶芙蓉午夢猶酣客思慵戍卒秋新思飲馬將軍
歲久不傳烽停車無計綢繆戶乘傳頻勞進午餐獨坐帳中

驚白髮何堪砌下響秋蛩

高斗樞

二首

斗樞字象先鄞人崇禎戊辰進士授刑部主事以事
下獄旋復官進員外出爲荊州知府遷湖廣副使歷
參政進按察使守鄖陽加太僕卿以右僉都御史巡
撫漢中未赴福王立進右副都御史改撫湖廣道阻
不得往國變後歸家卒有蚤虱集十六卷

全祖望續甬上耆舊集高公守城之暇橫槊賦詩不
減劉越石一疏

壬午臘日與李賊大戰三日夜賊退賦示羣僚

刺聞傳警息登堞下軍符前隊靈鉅果雙甄
驥驅推鋒塞巨嶽塵壘滅封狐午夜纔休甲遙聞幕上烏

萬騎指孤城腰間寶劍鳴乘風飛羽箭帶雪引霓旌
酣陣枚啣夜襲營凱旋笳吹滿梅柳正相迎

于穎一首

穎字長公金壇人崇禎戊辰進士除工部主事歷員
外出爲西安知府以事削籍起工部郎中出知順德
府改紹興遷浙江按察副使

偕無殊過虎邱遇雙白出新茗次韻

爲赴尊前約乘流漾淺沙新晴開疊嶂積雨賸疏花
坐覺班荆久行看落照斜登臨興未盡還乞遠公茶

周鑑一首

鑑字仲馭金壇人崇禎戊辰進士除南戶部主事改

禮部以言事斥爲民起原官進郎中旋罷歸福王立

以阮大鍼搆陷逮治賜自盡有十四哀詩

陳鼎東林列傳福王立馬士英當國特薦起從逆賊
臣阮大鍼大鍼素惡東林諸賢作正續蝗蝻錄有十
八羅漢五十三參善才童子七十二賢聖菩薩又蠅
蚋錄有八十八人活佛三百六十五天王五百尊阿羅
漢共千有餘人皆海內賢良欲盡殺之以空天下遂
首逮周鑑及雷縵祚下獄矯旨賜死
陳貞慧書事崇禎戊寅吳次尾有留都防亂一揭公
討阮大鍼大鍼以黨崔魏論城旦罪暴於天下其時
氣魄尙能奔走四方士大夫繼繼爭寄腹以爲良心道喪言
輿偃蹇如故士大夫繼繼爭寄腹以爲良心道喪言
於顧子方杲子方杲也日不惜斧鎖爲南都除此大
憖兩人先後過余言所以余日不日不日不日不日不日不日
與交通者雖未盡不肖特未日不日不日不日不日不日不日
一點破如贅癰糞潤爭思決之爲快次尾燈下削一使
蔡子方毅然首唱飛馳數雨昆陵爲張二無金沙爲
周仲馭雲間爲陳臥子吳門爲楊維斗則二馮司
馬魏子一上江左氏兄弟方密之爾止阮心此事仲
馭主之而鍼以書來書且哀仲馭不啟視就使者焚

之鉞銜之刻骨揭發而南中始知有逆案二字發山
悲語曰逆某逆某鉞氣阻潛迹南門之牛首向之裝
馬馳突廬見息子焜燿通衢至此奄奄氣盡矣甲申
弘光事起鉞曰此奇貨可居也負緣官兵部尙書以
迎立首謀福邸舊案將盡殺天下酬所不快下周公
鑑雷公演祚於獄發其端時語所親曰吾五六年來
三尺童子見阮大鉞名姓輒詈而唾者非若耶若
知有今日以揭中最大鉞名姓輒詈而唾者非若耶若
路藩以圖不逞者又造爲十人羅漢七十二金剛之
目曰此其羽翼者如王紹徽點將錄故事以網殺之
貴陽馬相曰大事方定如此人心不安姑緩之乙酉
四月左帥良玉衷甲東下意清君側至九江南都發
恐鉞以爲雷周所構不除之爲內應不已諸貴陽恭
指薄暮往語至達旦飛片紙賜死矣

懷京口讀書示長人

三山草色十年寒此日何當報酒闌昨夜潮聲東去急望江

樓上有人看

與士驤

八首

士驥字季良義烏人崇禎戊辰進士除深水知縣

黎書季良詩精苦沈細

金華詩錄季良自謂其詩降格爭奇亦有立勝起結
往往微遜亦自知之而不肯措意改作故多以句勝
七言如鳥外斷虹山寺雨浦遙斜燕石橋風炊煙隱
樹遠邨暮暝色渡江春浪深孤枕幾年愁暮笛一鐙
初夜隔春紗愁中草色偏嫌雨夢裏花枝獨背春五
言如秋嶂宜寒月春林足緒風燕領差池雨花標次
第春芳樹和風綠幽蘿逼雨青樹納初晴日花爭欲
盡春上者神秀次者幽婉皆一代之逸唱也
田拔季良詩才絕麗崇禎時楚音靡靡此真軼塵之
選

塞上曲

虜騎乘秋收連營殺氣新
隴雲朝出塞邊月夜歸秦
白草金闕色黃沙鐵甲塵
將軍猶蹴踘只領醉中春

過顧將軍

朱戶王孫第青萍俠客家濃雲連斷岫急雨定飛花寶劍雙鸞舞金丸獨鳥斜夜窗飄細響知是教琵琶

春興

四首

枕郭灘聲拂岸斜環江山色抱城隍門當流水鍾期調徑繞煙霞綺季家雙燕到春宜畫棟一鶯出曙隔深花閉關卽是棲真宅不用尋幽躡彩霞

女牆薜荔綠翻空靜室平開密樹中疏檻曲通花徑月小山幽背竹林風仙人洞壑藏松赤少婦筌篲倚袖紅學道徵歌皆勝事池臺未許習家同

山擁錢塘翠作屏浮圖高處有藏經曉花鳥亂迷秦隴呪食僧閒漱晚汀寒雨乍收江月黑春潮欲上浦風腥叩關乍解

無生偈不用臨流歎獨醒

湖上千峯鎖翠微
雨隄新水澹忘歸
秦箏舊譜朱樓曲
楚客新栽綠芰衣
堞隱江雲時隱見
林藏海雨半依稀
何人駐屐攀蘿月
碧樹陰中半啟扉

津亭

驛路明霜葉
津亭急浪花
不須悲遠道
只此是天涯

秋閨

寒雨侵階欲暮秋
鐙沈月黑夜悠悠
更深獨背紗窗立
怕有疏螢點閣愁

吳承燧一首

承燧字伯昭莆田人崇禎戊辰進士除懷甯知縣

楊柳枝詞

二月纖枝三月花
綠隄綠岸簇香車
紫駟慣識西陵路
直向高樓蘇小家

曹荃一首

荃字元宰無錫人
崇禎戊辰進士
除南刑部主事
歷郎中出爲漳州知府
累遷福建副使

山中獨行

山石太嶮嶢
孤行疑鮑焦
疏鐘雲外閣
細草澗邊橋
立馬欲相問
前村去已遙
麝麝忽影碧
落夜聞簫

林銘球一首

銘球字紫濤漳浦人
崇禎戊辰進士官御史
有鐵星

集

塏寺小樓和壁間韻

爲拾天中月來分祇樹林樓空冷梵語塏靜冥伽音一瓢雲
足飯半偈雨閒心得句秋初爽鳴蛩入夜吟

謝宗一首

宗字伯獎龍溪人崇禎戊辰進士累官山東參議有
許山遺稿

琯溪登舟寓張有民山房

小舟逼岸入山家竹屋穹窿望遠沙煙雨微茫押淡墨溪山
混沌掃青霞烹茶對客水爲活酌酒談心天作涯漁火黃昏
紅一點柴扉半掩落燈花

姚思孝一首

思孝字永言江都籍歙人崇禎戊辰進士改庶吉士授戶科給事中改兵科工科謫江西布政司照磨遷南國子助教歷太僕丞光祿少卿福王時改大理少卿後削髮爲僧有康山草堂集遊笥草

詩觀二集廷尉詩新琢秀逸

得吳梅村書卻寄

征邁今如昔危瀾尙未平莫嗟同輩盡翻旌兩人生筆怨曾焚草書成好遁名一瓢雖勺水日月寄孤情

詩觀二集廷尉與宮詹同被徵召而出處之際有數存焉此詩獨是昔年胸臆同語

冒起宗一首

起宗字宗起如皋人崇禎戊辰進士除行人遷南吏部主事歷郎中出爲山東僉事改廣東湖廣進參議有得全堂集七遊草

望九華

昨夜南風送客舸朝來池口雨冥冥忽看天際飛濤白失卻蓮花九朵青

李奇玉一首

奇玉字元美嘉善人天啟壬戌會試中式崇禎戊辰進士除武學教授歷國子博士遷南工部主事改兵部歷員外郎中出爲汝甯知府有雪園遺稿

閒居

柴桑深閨寂無譁讀罷遺經靜煮茶風雪滿庭黃葉落冷香
清韻在梅花

薛案十一首

案字諸孟武進人崇禎辛未進士除武學教授遷國
子助教再遷南刑部主事歷郎中出爲開封知府晚
爲僧號米堆和尚

尤侗良齋雜說薛進士案嘗爲開封知府亂後薙髮
依山僧以居自更其名曰米玄墓有米堆山因以自
號飲酒吟詩狎狂以終

卓氏穢園圖和詩十六章錄十一

卓氏穢園十六區張君既各爲圖而楊龍友復寫此
冊張則亂頭粗服龍章鳳姿楊則雅人修士楚楚焚

香掃地時也蓮旬居士父子題詠足千古而使予得
廁其閒願寶此圖更寶此圖庶予得與裴廸俱不朽
乎

虎踞石城在六朝何往哉不如君先人江干弔虎來

馭虎巖

鶴影夜臨滌滌鱗亦起舞老龍聽法罷欲與胎仙語

鶴滌

君以蓮爲宮贊訪自寬廣盡觀恒沙國盡託錐刀上

蓮旬

琉璃爲胸次中復現五嶽何忽自云無無無乃眞覺

無山堂

生長笠澤旁夢魂在其中支雨欹簪冠吾與樵青同

笠厂

昔聞景純言凡山生於浪亦有浪同生巾裾骨肉相

沙山

唯俗不可醫爲有醫俗意我自田舍翁桔槔昨已治

鋤月灣

潭爲有龍跡瞥來或青鳥不然卽麻姑愛此爬背爪

呼龍岬

已甘入林深眼潤復如此胡不任蒙茸潑墨澄心紙

有一轆轤因拾草立權喻我以命聽藥藥以命聽雨

吳越古湯社請君為署領不知是何曹但解日茗芋

田按被園在石頭城清涼山下卓左車之別業也楊龍友為作圖董香光跋曰被園圖十六景龍友為無量居士作昔盧鴻乙草堂圖李公麟龍眠山莊圖流傳世間皆稱神品鴻乙自有嵩山十志楚詞而山莊圖題詠具蘇黃門集五言絕句頗類摩詰輞川詩伯時獨以畫名意當時必有首倡但無傳耳無量居士於此十六景已有詩中盡而龍友磁礪氣韻生動著意微茫滅沒間有鴻乙之蒼秀伯時之幽邃為十六景傳神寫照無復遺恨如置身輞口椒園鹿柴居然王裴唱和勝情信可傳也

陳天定 一首

天定字慧生龍溪人崇禎辛未進士累官太常少卿

國變後為僧名圓慧有慧山集

大峰山佛祖岩

寺古多荒瓦僧貧只薦茶谷鳴千樹響人定一香斜鑑水形
憐影安心客是家可將生滅理悟取佛前花

李世奇

一首

世奇字亮先漳浦人崇禎辛未進士選庶吉士以母
老歸再召不起加左庶子有濟甯居草

暮年無敝門多案字者因用自悼

焚硯拋書案滿埃扣門便覺擾生涯只應絹到留爲機問道
篇成欲覆醅筆墨從人猶是累文章媚世亦非才小窗且滴
義皇夢莫遣奚僮報客來

許彥一首

多字玉斧侯官人崇禎辛未進士除戶部主事歷員

外出爲浙江僉事進參議有春及堂詩

東南嶠外詩話玉斧詩格調平穩 本朝風香月溪
鐵堂雪村諸詩人皆衍其門風果世擅三絕之譽

與張天如吳駿公楊維斗泛舟西湖

十里清明嫩柳斜同登孤棹賞春華蒼茫野色餘殘靄迥合
山光到暮霞曲岸驚風翻荷帶平隄新水繡桃花芳辰尋樂
須拚醉更向橋西覓酒家

黎崇宣 一首

崇宣字孺旬番禺人崇禎辛未進士官廣德知州有
貽清集

春別曲

春風一夜雨瀟瀟曉來已滿春江潮乘潮相送出江上我但
躊躇君獨往渡口垂楊映綠波隔浦茫茫煙霧多望君不見
將如何

吳國琦 一首

國琦字公良桐城人崇禎辛未進士除漳州推官改
兵部主事有水香閣懷茲堂集

趙澱陽蒼漪閣

高亭敝木末涼意與秋生當戶一峯出雙江夾月明藤蘿封
洞壑河漢接檐楹坐久絺衣薄懷人己二更

楊士聰 一首

士聰字朝徹濟甯州人崇禎辛未進士改庶吉士授

檢討遷諭德有靜遠堂集

棗林雜俎聊城進士白楹治園於臨清葦一石致自章邱頗幽麗德州謝太宰匪求之不得謝方典銓補楹盧氏令被寇死濟甯楊士聰詩興寄煙籬聊適意禍胎花向杏歸魂
田按朝微凶年四吟如讀大東諸詩可以告哀

凶年四吟

累年皆赤地無怪民窮蹙釜甌既生塵爨煙絕比屋三旬鮮
九食餅空那得穀漉槐收涇實剝榆露槁木楊柑罄寒林草
根殫遂谷已分作捐瘠曷辭委溝瀆所恨息未絕同類饕其
肉死饑

尋常井閭中每憂逢不若小竊類螟螣大奸乃鯨鯢遠鎮既
攻陷近村恣驅掠奮擒或抵罪強撫先頒爵脇膚黨日繁狂

騁力膏肓生齒累百萬狼藉就鋒鏑何堪縱虎翼乃至恬魚
獲徙薪空多算誰肯受良藥

死寇

名將重威信過師從枕席平日少撫練臨戎增嘆噴賊燄既
以熾調發雜主客強者太狎羸弱者不任革緣村掠民蓄孰
操自完策貧民無立錐更復遭奇阨談笑借汝頭聊以充斬
馘

死兵

殺運殄生人輕細如蠛蠓兵荒已半死豈堪罹病孽春來漸
多疫什九劇綿惓蠢兒旣草萎良謹或蘭折道路續新鬼親
屬累死別貧民無棺斂委棄空痛結橫屍陳道衢端爲烏鳶
設

死疫

汪國士一首

國士字君剛桐城人崇禎辛未進士累官山東參議
有簡軒集

飲吳中丞園林

鎮蜀嚴公去征蠻馬援還家園繁舊侶花竹是新刪市徑添
闌好遷池養鶴開更堆山一座城裏日躋攀

陶汝鼎十首

汝鼎字仲調一字燮友甯鄉人崇禎癸酉舉人除新
會教諭福王時授翰林待詔遷兵部郎中五省監軍
改檢討有廣西涯樂府噓古集寄雪樓集禍玉堂集
郭都賢止菴集余與仲調生同里長同學出處患難
同時同志年來杖策以規江左垂涕而授拾遺哀時
命弔戰場尙有不盡於詩若文者晚復以倭霜噴雪
之肝腸赴敘鳳戈鴻之羅爵西臺之髮自歸洲水之

魂復返昔仲調詩文登峯造極時也
黃周星噓古集序樊友噓古之作非忠孝廉節之型
卽奇佻靈祕之蹟大之可以干城名教小之亦可以
博物洽聞是編出皇天后土可鑒野老之心五嶽九
洲共聽空山之哭其以噓古名篇蓋取詩人願言則
噓之義悼今人之不古處也
靜志居詩話先生壯歲好遊自吳入越與先人訂僑
札之分嘗留橋李度歲晚際此離出監軍事捍禦鄉
邦著力暨章堵兩公盡瘁略同讀哀湖南賦懷民過
於蘭成詩雖未脫竟陵之派然覺爽氣殊倫
田接仲調詩有異才惜爲竟陵所染當其合作如金
鐘大猶不作錚錚細響

銅佛崖

九月霜氣深煙寒濟亭午山折登層崖臨江不可頻岸屈趾
乃窮雲斷路前忤紺殿欹山腰豁然開淨土僧去門不扃空
泉散微雨終日漱巖花泠泠答鐘鼓

舟入虎邱

破曉入吳門，不泊良有意。欲及清晨光，入山發山跡。舟行二里餘，人煙雜遙翠。峻嶒立平楚，塔影落無地。迴舸畫橋東，及門恐容易。沿溪竹樹幽，舟繞出山背。綠陰濃到天，小鳥一聲墜。艤棹從此登晴雪，洗高寺。

擬古贈高策旃學使兼寄懷王昆華宗伯

衆山不讓嶽，及嶽意自平。列星不作月，傳月光始盈。文章接元化，日月風會生。假令古學無，何以勸高明。鉅公抗經史，五緯天上橫。春風吹岫嶺，赤綠成雲英。一吹玉琯發，再吹洞庭清。雕蟲二三子，激作金鏘聲。鼎鼎朱張後，敢獨求微名。今夜嶽麓下，森寒唯玉衡。

軒轅臺懷古二首

軒轅非貴壽天地難鴻濛雲英化金石物命趨五銅騎龍下
寶山乃在湖水中張樂滿洞庭託言師崆峒千載鼎湖上元
氣翔八風

青天互湖水白日凌丹臺至人非羽翰黃龍自天來悠悠萬
乘跡徒令攀者哀上有寶鼎雲下有蛟宮雷當時十六相豈
無神仙才庸哉秦始皇瀝湘求蓬萊

還家

新飯盛滿盃新酒酌滿卮諸孫競相勸幼者將我髭出門雪
壓屋手抱初生兒歸間掩袂泣始悟殤子悲百年苦情累哀
樂集一時乃翁幸生還理遣聊自持假使魂歸來此哭當爲
誰達人齊彭殤莊叟真吾師

初冬舟中作

霜吹徐徐來沿舟入蘋蓼好山迢遞青一鏡窺飛鳥白鳥差
池穿野菱天寒水落陰稜稜澹雲到地無一影紅樹圍村知
幾層

一作李詩

秋夜同尹洞庭汪涵夫諸子索觀楚王孫伎劇卽席戲
爲艷體

小山叢桂裏一隊錦鴛鴦欺雪花俱艷迴波曲自長清微州
女瑟蹀躞洛神璫慣與王孫見新妝但夕陽

雙江逢船叟話舊

遙識墟煙處雙江照白鷗幾家疏莽住孤寺劫灰留隱隱但
樵路潭潭無釣舟聊逢舊船子悲難話餘愁

晚春廿七日與曹叔方劉衍蓀洪象先諸子自三湖過

帥君卜草堂夜集

十里踏莎青未青到門日落煙柳暝欣然解衣索秉燭愛此
草堂遙帶星過客光陰春宴序雅人文酒尙立亭餘生好會
不再得淹我黃鵬湖上聽

張明弼二首

明弼字公亮金壇人崇禎癸酉舉人除揭陽知縣有
螢芝榕城二集

同翁裴郎許班王春夕飲朱喜公先生郭外別業夜午
而別

檀板催酣子夜情紅衫猶自進瑤箏歌聲愛向梅邊落燭影

偏穿水底明
隔湖叢花疑正
睡依林宿鳥未
傳驚棉荷煙閣
恒來往忘卻秦
淮是故京

送張少尹往潁州

韓江北去是歸
途水意山情欲
向吳君入吳西
爲候吏願城鄉
夢到姑蘇

明詩紀事

貴陽陳田輯

辛籤

文德翼二首

德翼字用昭德化人崇禎甲戌進士除嘉興推官擢吏部主事有雅似堂文集十卷詩集三卷

四庫總目德翼人品清逸而學問未能精懿所作備次錄之類大抵以餽釘爲工

陳子龍安雅堂集豫章文子詩微而章直而和痛而不亂瑰麗詰曲而不詭於正其遺者刺當時之失抒忠愛之旨其近者迫於憂議長饑之懷而其要曰不失於和平婉順

西江詩話用昭屢徵不出徜徉於五老二林之間者三十餘年工詩文

田按用昭知樞變左良玉跋扈不禮督師呂大器用昭說郎撫王某文武固宜調和制府尤當尊崇公宜

先折節致禮以存朝廷之體王從之左乃修進謁督
師之儀時以爲善於應變

湧鉢寺

我聞古佛鉢數里以爲邊阿難拜其上笑如小蟲旋又聞如
來鉢四際光層層羅什心計較極力不能勝復聞祖師鉢絕
無化繆巧龍大鉢亦大龍小鉢亦小三鉢具神通也知色卽
空恨不與其會散花滿鉢中益城普潤菴一鉢從地起雙龍
擎爪飛捧出法王子法王法非法王子法亦塵法尙不足慕
而况此鉢真似陶且似冶非金亦非銅浩劫久沈埋頓爲閒
土收開土者阿誰朽木道人足此剎建一竿禪和獲安止晦
山大師來歎爲大奇特題詩表章之壁上懸精墨酬和何紛
綸辟支共聲聞十方一應器勒此曇花文鐘鼓尙未響此鉢

幸勿持如或喫粥了洗鉢更何疑

嚴子餐招飲湖舫同子間張晉侯梁景衡孫子操陸梯

霞拒石

夢裏西湖老更來畫船那放故人杯
鱗鱗細浪隨鳬浴蠶蠶層松促燕迴
五月楊梅纔半熟六橋柳色未全開
清音不復憐絲竹座上泥多作賦才

朱芾煌

五首

芾煌字玉璫無爲州人崇禎甲戌進士除餘姚知縣
改樂安入爲戶部主事謫順天教授遷國子博士歷
兵部主事進郎中有文嘯堂詩集二卷

四庫總目芾煌詩大都高目時艱詩多感慨如春愁秋
懷諸篇紀明末朝政紛紜亂亡之象亦可見其大概

田按玉璫詩七言流利情致動人

偶過湯光祿伯衡城南舊園園後屬曹孝廉環應亦復
作古感而賦此

楊柳隄邊去馬遲芙蓉江上憶當時每從窈窕傾君酒多遣
玲瓏唱我詞碧樹又更亭館青山尙欠墓門詩湯休化去
東阿死斜月荒原一段思

季本之外弟過姚江夜話

官舍鐘聲起麗譙烽煙何幸阻寒宵可憐海國晴看月猶記
江門夜聽潮鄉夢欲隨雲共遠春愁未許酒能消朱家俠氣
今全減把手燈前慰寂寥

邀汪友仙樵部飲南湖煙水亭

孤嶼亭間秋氣疏山川指點到來初遊人草坐皆宜酒傲吏
江樓好著書蘭芷遠尋通楚畹芙蓉高臥接匡廬金錢少府
供輸急合向磯頭伴老漁

乙酉元旦

癸未甲申兩元旦聖駕視朝早於常期朝鐘久鳴諸臣鞭馬長安街上趨朝不及又忽退

朝移時復出此事兩年如一當時人憂不祥之兆今因夢記此真不禁泣然也

弓劍攀號恨未明天街走馬憶縱橫可憐昨夢朝元淚都入
東風作雨聲

江洲

長江夜靜起濤聲無限傷心對月明芳草春風隨處徧如今
只不到江城

劉侗一首

侗字同人麻城人崇禎甲戌進士除吳縣知縣未任卒

曹溶靜惕堂集同人以文體矜奇爲學使置下等價
德入太學連舉鄉會試留都亭日與于司直共輯帝
京景物略文筆詭異蓋亦服習竟陵派者

燈下竹枝詞

貂裘胡馬象裝車不是勳家是戚家笑上街樓簾盡捲遊人
團定候琵琶

浚世韶一首

世韶字宮球歙人崇禎甲戌進士除福清知縣謫汀
州經歷遷嚴州推官擢戶部主事進郎中有內沙草
沙頭呂貞婦龔氏

明月不在天下爲貞女心清寒入花骨夢向冰霜尋寥落殘
燈影沈吟破鏡陰苦辛嘸謝豹碧血染空林

張允掄 一首

允掄字并叔萊陽人崇禎甲戌進士官饒州知府有
希范堂集

勸情

有男不知耕有女不知織昏昏惰廢人仰屋空歎息斯民生
於天自養各有力壯盛時幾何崦嵫景將逼君看原上霜坐
變芳草色

闕士琦 二首

士琦字褐公常德桃源人崇禎甲戌進士除南安知

縣福王時起編修不赴有蜚蜺館闕山郎當等集

劉子驥

名士耽奇僻桃花信有無白雲丹竈古莫問武陵漁

崔婆泉

天風環珮杳何處度霓裳石髓無須吸崔家泉自香

潘世澄

一首

世澄保山人崇禎丙子舉人官萍鄉知縣

送吳山人

黃菊故人杯青山遊子路匹馬向垂楊回首燕雲暮

黃日乾

一首

日乾字聖因江甯人崇禎丙子舉人

書齋

小齋晝靜坐如年
閒撥爐灰裊篆煙
一尺綠陰蕉半展
雨餘窗紙上蝸涎

余颺十首

颺字廣之莆田人崇禎丁丑進士除宣城知縣改寶應上虞徵授吏部主事歷員外郎中出爲廣東副使

有蘆中集

蘭陔詩話季蘆從朱孕岡起兵被執禁獄中踰年得釋歸晚製鐵笛自稱老鐵蓋以楊廉夫自況也陳伯幾稱其詩可與少谷石倉三分鼎峙
旧按愜之近體音節悲壯多故宮禾黍之思

獄中夜坐贈林小眉二首

老被微名誤君方十倍才乾坤逢格鬪鳥雀任疑猜濁酒談

無賴荒雞聽可哀長歌徒自損一笑落燈煤

無力支天地飄零委壯心何人堪說盡爲爾獨長吟老馬疲
關嶺窮殘望木陰角聲隨雨到雙鬢畏燈侵

懷方爾止

社鼠城鴉哭帝都臨江東望孝陵枯相韓五世悲公子哭楚
三閭憶大夫鴻雁離魂銷皖口鵲鴿妻羽鍛南湖舊詩覓寄
遊鱗斷水國茫茫歲欲徂

銷夏灣

夫差宮館迴吳關銷夏沈沈水一灣蘭槩風移香水沸杜梨
雨溼錦帆斑館娃人去秋煙寂響屨廊空暮鳥還夜半江頭
歌舞歇千年月冷見愁顏

拜戚少保祠

當年一旅下閩疆，殲絕倭酋罷戰場。父老今猶談事蹟，春秋時復奠蒸嘗。銅龍鱗甲蒼苔落，畫壁蟲蛇碧草荒。幾度唳鴉飛繞樹，岩巖古廟煥山陽。

贈楊仁叔

兼山先生子

先公嶽嶽舊詞臣，上第京華謬結鄰。抗疏名曾齊四諫，捐軀事復比三仁。秋江明月思公子，春草他年望故人。欲解只餘雙短劍，未堪持贈爲防身。

喜逢周遠害

帝京昔歲曾交臂，馬首匆匆拂後塵。垂老相憐難閉戶，立談未盡覺傷神。兵戈閩楚頻年似，詩賦窮愁逐字真。君倚黑頭

吾白首不堪相對客中身

聞鄰人弦歌

淒涼野館畫長局響亮歌聲隔巷聽鶴引雕笙臨玉宇鴛迎
碧管入紗櫺詞人慣調河魚泣樂府新編白雀翎莫使更翻
天寶曲江州司馬淚如零

可歎二首

湖草青青綴野橋鵲鴝漠漠出迎潮水碧簾外花如錦複道
行宮久寂寥

南樓花鳥北樓煙沸地歌聲動管弦十載江南多恨事筵中
莫遇李龜年

許承欽一首

承欽字漱石漢陽人崇禎丁丑進士官主事

德州渡浮梁

古驛紆山左長川抱海西
土風兼漢魏河勢割燕齊
鹿角關前樹平原嶺外雞
轉漕疲萬里雨雪看輪蹄

秦鏞一首

鏞字大晉無錫人崇禎丁丑進士除清江知縣福王
時擢監察御史有參同閣集

和唐人惠山詩

探泉古亭下杉徑何青青
傍有碧山社上有尊賢堂
先澤半宿芥林鳥徒飛翔
雙井貯空碧羣柏栖幽光
飲泉有真味啜茗雜花香
千載共遙企懷此不能忘

莊元宸一首

元宸字起貞鄞人崇禎丁丑進士授南太常博士福
王時巡刑部主事魯王監國擢吏科都給事中遷太
常少卿進本寺卿有因園集

續前上者舊集魯王監國召莊公入朝公疏言殿下
大仇未雪舉兵以來將士宣勞於外炎威寒凍沐雨
備風編氓殫藏於內敲骨吸髓重以昔年秋潦今茲
亢旱臥薪嘗膽之不遑而數月以來頗安逸樂釜魚
幕燕無時垣憂則安安何可懷也敵在門庭不及旦
夕有深宮養優之心安得有前日借箸之事則蒙蔽
何可滋也天下安危託命宰相今左右之人頗能內
承色笑則事權何可移也五等崇封有如探囊有爲
昔時佐命元臣所不能得者則恩賞何可濫也殿
試念兩都三殿禾黍秀則居處必不樂試念二王青宮
長陵銅駝荆棘之慘則對越必不樂試念二王青宮
之辱則撫王子何以爲情試念江干列邦生民之慘
則衣食可以俱廢疏入報聞而已公又言中旨用人
之非乃報王批政臣叨居科長斷不敢隨手奉詔王

不能用自是公累有封駁謝三賓皆納內侍力阻之
而馬士英又至王詹事思任等移檄拒之又廷爭之
不得公言士英不斬國事必不可爲不報於是公貽
書同官林公時對言藐爾氣象似惟恐其不速盡者
區區憂憤無時不痛心疾首以致形容骨立願得以
微罪成其山野舉朝共留之公意決竟去疽發於背
死

絕命辭

故人唐魯公顥沛勿遽死事至不可爲終須一決耳苦心透
層霄幽恨及沒齒而我同蹉跎下泉慚君子

錢朝彥一首

朝彥字殷求錢唐人崇禎丁丑進士除句容知縣改
旌德

過功德坊

在西湖錢王祠

百戰膽烏日中原逐鹿時鯨鯢方建節虎豹敢交綏風雨侵
車轍江淮照戟枝土人嚴伏臘猶自望旌旗

倪長圩一首

長圩字伯屏平湖人崇禎丁丑進士除蘇州推官遷
兵部主事

櫛李詩繫伯屏博學好古善書法

次曹秋岳年兄韻

守約安貧賤良朋辱過存吾衰誰與怨疑義幸逢論草上雨
珠碎天邊弦月昏坐來更漏轉香滅酒卮痕

康范生一首

范生字小范安福人崇禎己卯舉人

梅村詩話楊機部殉節後云已無子有康小范孝廉
來吳門攜機部在贛州詩十餘首并言其子尚在小
范與機部同事兵敗被縛下獄瀕死而免吳門葉聖
野贈之詩曰盧謚流落劉公死回首章門一惘然亦
俠烈士也

嘉定寓舍感賦

野寺門臨官教場荒郊日落客心傷書來異地傳新語人到
衰年憶故鄉有盡繁華頻看鏡無端寂寞強浮觴與君試上
高臺望幾處朱門變白楊

費經虞一首

經虞字仲若新繁人崇禎己卯舉人除昆明知縣歷
進判改桂林知縣有荷衣集

李調元蜀雅仲若當蜀亂之後獨能以詩學世其家
子密孫錫琮錫璜俱馳名藝苑再傳不替可謂有鳳

毛矣

歸田吟

家破猶餘半畝塘
杜鵑啼處柳絲長
騎牛不到人間去
白髮蕭蕭晒夕陽

張琚一首

琚字居玉程鄉人崇禎己卯舉人

送陳醴源父子旋里

春辭五嶺去公向八閩歸
明月照官路梅花飄素衣
風塵終不染宦海早知幾
自買三間屋雲深鶴護扉

羅策一首

策字元升上元人崇禎己卯舉人

獻花巖

古寺依林麓穿雲石徑斜高僧今不見山鳥自銜花

曾異撰一首

異撰字弗人侯官人崇禎己卯舉人有紡授堂集

靜志居詩話弗人異才詩太近詭
十五國風高言集田髡淵曰弗人詩抒寫性靈獨有
奇氣

續印帖背寒夜懷寄李元仲

十月葭深霜近人杳然懷望百憂親獨醒一榻五更雨半世
無家有病身老至著書傳未得交多求友認難真暗中搔首
商知已不覺雞聲動四鄰